

[NYHEITER](#) [SAMFERDSEL](#) [HJORT](#) [E39](#) [GAULAR](#)

29 hjort drepne - no sikrar dei E39 forbi Sande



MYKJE HJORT: – Vi ser rikeleg med hjortetrakk langs vegen, seier Leidulf Bogstad i BB Gjerdeservice/HT Gjerde vest. Foto: Ole Johannes Øvretveit

Av [Ole Johannes Øvretveit](#)
17. august 2019, kl. 17:27 ▾

Sidan nye E39 forbi Sande opna for tre år sidan har minst 29 hjortar blitt drepne i påkøyrslar. No skal hjorten tvingast til å bruke undergangane.

DEL



– Store deler av vegen vart bygd i eit område der det ikkje har gått veg tidlegare. Vi hadde ei kartlegging av kor hjorten brukar å ferdast i dette området. Der ein vurderte farene som størst vart det bygd gjerde og undergangar som hjorten skulle kunne bruke for å krysse vegen utan at det skulle føre til trafikkfarlege situasjoner. Men så viser det seg at det hjorten trekker ein del over vegen i nordre enden av den nye traseen, seier Ann Kristin Nes i Statens vegvesen.

Tal frå Hjorteviltregisteret syner at minst 29 hjortar er påkøyrd og drepne på strekninga frå Birkeland til Myrane sidan vegen opna. Dette er heile strekka der vegen ligg i ein ny trase forbi Sande.





DREPNE: Dei grøne prikkane viser kvar hjort er blitt påkøyrd og drepne sidan nye E39 forbi Sande opna. Mange blir påkøyrd på same staden, difor er det færre enn 29 prikkar. Foto: Hjorteviltregisteret.no

Og dette er det offisielle talet. Ein veit at mange påkøyrsler ikkje blir meldt, anten det skuldast at folk rett og slett ikkje tenker på å melde frå, eller at ventetida på sentralbordet hos politiet i periodar har vore veldig lang.

Dei aller fleste av påkøyrlane har skjedd i området i nærliken av den nye bruva over Gaula (sjå kart). Det er også her hjortegjerda no blir sett opp.



UNDERGANG: Dei nye gjerdene leier hjorten til undergangane som er bygd. Foto: Ole J. Øvretveit

– Vi har ikkje sett hjort, men vi ser jo veldig mykje hjortetrakk langs vegen her, seier Leidulf Bogstad i BB Gjerdeservice, som denne veka har jobba med å montere det nye gjerdet.

Ann Kristin Nes har håp om at den nye gjerdene vil redusere talet påkøyrsler kraftig:

– Hjortegjerde er effektive. Er dei sett opp på rett plass, på rett måte, så fungerer det ganske godt.

– Kartet frå Hjorteviltregisteret syner at det er like mange hjortepåkøyrsler nord for bruva over Gaula, som der ein no set opp gjelder. Blir det sett opp gjerde der og?

– Ikke førebels. Det er litt vanskelegare der, ettersom det ligg eit kryss der. Vi har kontakt med kommunen om desse sakene, og så langt er det denne plassen vi har prioritert.

Lik Firda på Facebook

[Lik dette](#) Du og 20k andre likar dette.



Les meir om: [nyheiter](#) [samferdsel](#) [Hjort](#) [E39](#) [Gaular](#)

[Sjå kommentarar](#)

Fleire saker

